



## Publicaziuns dalla vischnaunca, jamna 43

### Damonda da baghegiar 2019-1013.001

#### Datum dalla publicaziun: 25 d'october 2019

Il patron: Pirmin Monn, Via Cuož-Sut 4 7180 Disentis/Mustér

Il representant: huonder bisquolm architects sa, Via da scola 18, 7180 Disentis/Mustér

Object: Midada da project e disclocaziun, sanaziun ed engrondaziun dalla surfatscha da habitar digl edificii nr. 1081, parcella 3375 e 3374, Runtget, 7182 Cavardiras

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

*Uffeci da baghegiar Disentis/Mustér*

---

### Invitaziun alla surdada dil Premi Desertina

#### Venderdis, ils 8 da november 2019, allas 20.00 en halla Cons

La cumissiun Premi Desertina envida in e scadin da prender part alla festividat dalla surdada dil Premi Desertina 2019.

- Il premi da renconuschientscha retscheiva pader dr. Urban Affentranger per sia premurada lavur en favur dil Forum claustral.
- Per il premi da promoziun ha la cumissiun numnau las duas musicas da tscheiver, numnadamein Las Bagordas da Disentis/Mustér e Las Fifferlottas da Segnas.

La festividat vegn embellida cun tuns cantics e sonors dil Chor baselgia Sogn Gions sut la bitgetta dad Aluis Hosang. Medemamein vegnan las duas musicas da tscheiver a dar entgins tuns tscheivrils. Sunter igl act festiv official essas Vus, preziasas convischinas e preziai convischins, cordialmein envidai ad in pign refrestg.

*Per la cumissiun «Premi Desertina»,  
geraua Jris Lombris*

---

### Administraziun communal

#### Numnasontga

**Venderdis, igl 1. da november 2019**, resta l'administraziun communal **serrada igl entir di**.

Bien engraziament per Vossa capientscha.

*Administraziun communal Disentis/Mustér*

---

### Sera d'informaziun per interessai dalla scola da talents.Surselva

Dapli informaziuns sut Ilanz/Glion.

---

### Infoabend für Interessierte der TalentSchule.Surselva

Mehr Informationen unter Ilanz/Glion.

---



**Rusari dalla glisch  
dumengia, ils 27 d'october 2019**

**Empau pli special lein nus meditar quei rusari dalla glisch.** Igl ei in viadi tras la Tiara Sontga ch'entscheiva cul batten da Jesus – las nozzas da Cana – annunziaziun dil reginavel da Diu, la transfiguraziun – l'eucaristia. En special lein nus era seregurdar dils affons ch'ei vegni battegiat, dils nozzadurs e dils defuncts che han bandunau il terrester da nossa pleiv quest onn. Nus selegrein da Vossa participaziun a quella meditaziun singulara.

*Sur Mathew Kurian  
cussegl pastoral*

---

**Swiss Made – Pop & Rock cun Uniun da harmonicas Cadi**

Preziai amitgs dalla musica d'accordéon Nus selegrein sin in seveser cun Vus a nies concert atunil che ha liug **sonda, ils 26 d'october 2019, allas 20.00 en halla Cons a Disentis/Mustér.** Vegni e tedlei nies experiment musical el mund «Mundart-Rock» da Trauffer, Gölä, Polo Hofer, Gotthard etc. Suentar il concert gudin la cumpignia tier in bien toc petta e caffè harmonic. Nus engraziein per Vies sustegn e Vossa viseta.  
*Cordialmein, ils UhC-lers*

---

**Uniun da dunnas Disentis/Mustér**

**Sentupada cun affons pigns e geniturs**

La gruppa da seruschnar/termagliar dat la caschun als affons pigns ed als geniturs da sentupar, paterlar e termagliar. Tut ils affons entochen treis onns (cun fargliuns e geniturs) ein cordialmein beinvegni allas sentupadas meinsilas. Las sentupadas duessan plinavon era far queidas als affons da visitar pli tard la gruppa da termagliar «artgin» che ha liug el medem local e nua ch'ils affons stattan persuls duas uras cun las menadras e quei inaga ad jamna. Pils affons eis ei sco d'entrar ella tiara dalla cucagna cun massa novs termagls e tut quei da cumpignia. Vegni e mirei, nus selegrein sin vossa viseta.

Proxima sentupada: **gievgia, ils 31 d'october 2019**

Temps: 15.00–16.30

Liug: Casa da scola Segnas, local artgin, ella 1 alzada

Prender cun: marendas e scalfins

Ulteriuras informaziuns e datums anfleis Vus sut [www.uddm.ch](http://www.uddm.ch)

Cordialmein envida *Uniun da dunnas, ressort affons*

---

**Radunonza staziun d'anugls**

**Venderdis, ils 8-11-2019** alla 20.00 a Disla, uustria «Fravia».

*La suprastonza*